



This document has been provided by the International Center for Not-for-Profit Law (ICNL).

ICNL is the leading source for information on the legal environment for civil society and public participation. Since 1992, ICNL has served as a resource to civil society leaders, government officials, and the donor community in over 90 countries.

Visit ICNL's **Online Library** at
<http://www.icnl.org/knowledge/library/index.php>
for further resources and research from countries all over the world.

Disclaimers

Content. The information provided herein is for general informational and educational purposes only. It is not intended and should not be construed to constitute legal advice. The information contained herein may not be applicable in all situations and may not, after the date of its presentation, even reflect the most current authority. Nothing contained herein should be relied or acted upon without the benefit of legal advice based upon the particular facts and circumstances presented, and nothing herein should be construed otherwise.

Translations. Translations by ICNL of any materials into other languages are intended solely as a convenience. Translation accuracy is not guaranteed nor implied. If any questions arise related to the accuracy of a translation, please refer to the original language official version of the document. Any discrepancies or differences created in the translation are not binding and have no legal effect for compliance or enforcement purposes.

Warranty and Limitation of Liability. Although ICNL uses reasonable efforts to include accurate and up-to-date information herein, ICNL makes no warranties or representations of any kind as to its accuracy, currency or completeness. You agree that access to and use of this document and the content thereof is at your own risk. ICNL disclaims all warranties of any kind, express or implied. Neither ICNL nor any party involved in creating, producing or delivering this document shall be liable for any damages whatsoever arising out of access to, use of or inability to use this document, or any errors or omissions in the content thereof.

Z A K O N

**O POREZU NA PROMET PROIZVODA I
USLUGA U PROMETU**

Na osnovu člana 23. Statuta Brčko Distrikta BiH, Skupština Brčko Distrikta BiH, na 45. sjednici održanoj 24. juna 2002. godine, u s v a j a

Z A K O N

O POREZU NA PROMET PROIZVODA I USLUGA U PROMETU

I – OSNOVNE ODREDBE

Član 1.

Ovim zakonom uređuje se oporezivanje proizvoda i usluga u prometu.

Član 2.

Porez na promet proizvoda i porez na promet usluga je prihod budžeta Brčko Distrikta BiH.

II – ZNAČENJE POJEDINIH IZRAZA

Član 3.

“Porezni obveznik” je lice koje je, u skladu s ovim zakonom obavezno platiti porez, kaznu, ili kamatu.

“Lice” je svako pravno i fizičko lice – građanin i privredni subjekt koji su upisani u registar obavljanja pojedinih djelatnosti i obavljaju registrovane djelatnosti.

“Pravno lice” je svako lice – privredni subjekat upisan po dosadašnjim propisima u registar kod nadležnog suda za obavljanje djelatnosti.

“Fizičko lice” je građanin kome je, po dosadašnjim propisima, od organa Vlade Distrikta izdato odobrenje za obavljanje privredne djelatnosti.

“Radnja” je fizičko lice kome je od organa Vlade Distrikta izdato odobrenje za obavljanje djelatnosti a za obavljanje registrovane djelatnosti koristi poslovnu prostoriju.

“Preduzetnik” je lice kome je nadležni organ Vlade Distrikta izdao odobrenje za obavljanje djelatnosti.

“Građanin” je svaki pojedinac, stanovnik Bosne i Hercegovine.

III – POREZ NA PROMET PROIZVODA

1. Predmet oporezivanja

Član 4.

Porezom na promet proizvoda oporezuje se promet proizvoda namijenjenih krajnjoj potrošnji kao i :

- 1) Uzimanje sopstvenih proizvoda koje je proizvelo ili nabavilo pravno i fizičko lice za vlastitu krajnju potrošnju,
- 2) Davanje proizvoda bez naknade (poklon, ustupanje i sl.) i zamjena proizvoda,
- 3) Manjak proizvoda osim manjka proizvoda koji je nastao djelovanjem više sile ili je posljedica kažnjivog djela odgovornog lica,

- 4) Rashod (rastur, kalo, kvar i lom) iznad visine rashoda utvrđenog općim aktom obveznika koji mora biti u skladu s propisanim uzansama,
- 5) Promet proizvoda iz člana 5. koji nije izvršen pod uslovima iz člana 6. ovog zakona.

Član 5.

Ne smatra se prometom proizvoda koji služi krajnjoj potrošnji:

- 1) prodaja proizvoda licu koje je registrovano i obavlja promet proizvoda, a te proizvode nabavlja radi dalje prodaje;
- 2) prodaja proizvoda licu koje je registrovano i obavlja ugostiteljsku djelatnost, a te proizvode nabavlja radi dalje prodaje ili reprodukcije;
- 3) prodaja proizvoda koji imaju karakter reprodukcionog materijala licu koje je registrovano i obavlja proizvodnu djelatnost;
- 4) uvoz proizvoda koji imaju karakter reprodukcionog materijala, kao i radi dalje prodaje;
- 5) prodaja upotrebljavanih proizvoda neposredno između građana, izuzev proizvoda koji podliježu obavezi godišnje registracije;
- 6) uvoz i prodaja potrebne opreme kupcu – preduzetniku za obavljanje djelatnosti za koju je registrovan kod nadležnog organa;
- 7) uvoz i prodaja potrebne opreme kupcu – pravnom licu za obavljanje djelatnosti za koju je registrovan kod nadležnog organa;
- 8) poklon ili nasljeđivanje motornih vozila koja podliježu obavezi godišnje registracije a poklonoprimalac ili nasljednik se u odnosu na poklonodavca odnosno ostavljачa nalazi u prvom nasljednom redu.

Oprema za obavljanje djelatnosti u smislu stava 1. tačke 6 i 7 ovog člana jesu potrebna osnovna sredstva za obavljanje registrovane djelatnosti, njihovi rezervni dijelovi, stvari sitnog inventara određena prema propisima kojima se uređuje računovodstvo, uređaji i dijelovi za zaštitu okoliša, sredstva za zaštitu na radu i ličnu zaštitu, osim putničkih automobila i njihovih rezervnih dijelova, namještaja za opremanje administrativnih prostorija, tepiha, umjetničkih djela, likovne i primijenjene umjetnosti.

U slučaju prestanka obavljanja djelatnosti, prodaje ili otuđenja opreme kupcima iz tački 6 i 7 ovog člana u roku od tri godine od dana izvršene nabavke, obveznik poreza je dužan da plati porez na promet proizvoda po propisima koji su važili u vrijeme nabavke kao i kamatu koja je reugulisana ovim zakonom.

Oprema za vršenje djelatnosti, izuzetno od stava 2. ovog člana, jesu specijalni putnički automobili s ugrađenim uređajima za bolesnike, specijalni putnički automobili za obuku vozača s ugrađenim duplim komandama, pogrebna vozila, putnički automobili za taksi prijevoz koji su posebno označeni kao putnički automobili s ugrađenom opremom za rad vatrogasnih službi i Policije Brčko Distrikta, koji su posebno označeni.

U slučaju prestanka obavljanja taksi djelatnosti, kao i u slučaju prodaje ili otuđenja na drugi način putničkog automobila pribavljenog za obavljanje tih djelatnosti prije isteka roka od pet godina od dana nabavke, obveznik poreza je dužan da to prijavi nadležnom poreznom organu u roku od pet dana i da plati porez koji je bio dužan da plati da nije koristio poreznu olakšicu kao i kamatu propisanu ovim zakonom od dana nabavke do dana prijavljivanja.

Bez dokaza o plaćenim dospjelim obavezama po osnovu javnih prihoda ne može se ostvariti porezno oslobađanje iz stava 1. tačke 6 i 7 ovog člana.

Kod motornih vozila koja podliježu obavezi godišnje registracije za koja su korištena oslobađanja po ovom zakonu u saobraćajnoj ispravi se obavezno upisuje: "zabrana otuđenja u roku od ____ godina".

Broj godina iz prethodnog stava unosi se u skladu sa stavovima 3. i 5. ovog član.

Odredbe stava 1. ovog člana ne primjenjuju se u slučajevima kada kupac akciznih proizvoda, čije je sjedište u Federaciji BiH i Republici Srpskoj, nema odobrenje nadležnog poreskog organa Federacije BiH ili Republike Srpske za tu nabavku.

Član 6.

Prodaju proizvoda, za svrhe iz člana 5. stav 1. tačke od 1 do 3 ovog zakona bez plaćanja poreza na promet, mogu vršiti pravno lice i radnja koji se bave proizvodnjom, pravno lice koje se bavi trgovinom i koje je registrovano za obavljanje prometa na veliko, te pravno lice koje je registrovano za uvoz, pod slijedećim uslovima:

- 1) da se proizvodi prodaju sa stovarišta, magacina, skladišta i sl. (promet na veliko), uz obavezno izdavanje fakture;
- 2) da je kupac prije preuzimanja proizvoda, odnosno ispostavljanja fakture dao prodavaču pismenu izjavu da će proizvode koristiti isključivo u svrhe iz člana 5. ovog zakona;
- 3) da je u fakturi o prodaji proizvoda prodavač unio klauzulu da su proizvodi prodati bez obračunavanja poreza na promet proizvoda na osnovu pismene izjave;
- 4) da je plaćanje izvršeno bezgotovinski u roku od 120 dana od dana isporuke robe, ako pismenim ugovorom nije utvrđen drugi rok plaćanja koji ne može biti duži od 6 mjeseci;
- 5) da je kupac u svakoj poslovnoj godini prilikom prve nabavke proizvoda prodavaču dostavio ovjerenu kopiju uvjerenja o upisu u registar kod nadležnog poreznog organa.

Uvoz proizvoda u svrhe iz člana 5. stav 1. tačka 4 Zakona, bez plaćanja poreza na promet mogu vršiti pravno lice i radnja koji se bave proizvodnjom, pravno lice koje se bavi trgovinom, koje je registrovano za obavljanje prometa na veliko i koje je registrovano za uvoz pod slijedećim uslovima:

- 1) da je u carinskom postupku podnesena pismena izjava od uvoznika, odnosno korisnika uvoza da će se proizvodi koristiti za svrhe iz člana 5. stav 1. tačka 4 Zakona;
- 2) da je uvoznik, odnosno korisnik uvoza u carinskom postupku predao ovjerenu kopiju uvjerenja o upisu u registar kod nadležnog poreznog organa.

Prodaja proizvoda u svrhe iz člana 5. ovog zakona, ne može se vršiti iz prodavnica i drugih poslovnih jedinica koje vrše promet na malo.

Uslovi iz stava 1. ovog člana ne odnose se na prehrambene proizvode koje je građanin proizveo u okviru svoga domaćinstva i proizvode koje fizičko lice u okviru raspolaganja svojom imovinom, od slučaja do slučaja prodaje pravnom licu ili preduzetniku, koji se bave proizvodnjom, trgovinom i ugostiteljstvom za namjene iz člana 5. stav 1. tačke od 1 do 3 ovog zakona.

Član 7.

Kupac ima pravo na oslobađanje iz člana 5. stav 1. tačke 3 i 4 ovog zakona ako se registrovao kod nadležnog poreznog organa za vršenje nabavke proizvoda kao reproduktionog materijala.

Pismena izjava iz člana 6. stav 1. tačka 2 i stav 2. tačka 1 ovog zakona mora sadržavati registarski broj kupca, redni broj izjave, datum izdavanja, potpis ovlaštenog lica i ovjeru.

Kupac je dužan da vodi knjigu datih izjava po rednim brojevima.

Član 8.

Proizvodnom djelatnošću u smislu ovog zakona smatraju se djelatnosti iz oblasti industrije, rudarstva, poljoprivrede, ugostiteljstva, šumarstva, vodoprivrede, ribarstva, građevinarstva, građevinskog i proizvodnog zanatstva i saobraćaja.

Član 9.

Pod reproduktionim materijalom u smislu člana 5. stav 1. tačke 3 i 4 ovog zakona podrazumijevaju se:

- 1) materijal, sirovine, poluproizvodi, dijelovi i potrošni materijal koji se preradom, doradom, ugrađivanjem, nanošenjem ili na drugi način utroše u procesu proizvodnje i ulaze u supstancu finalnog proizvoda;
- 2) pomoćni i potrošni materijal koji se troši u procesu proizvodnje pri izradi proizvoda, a ne ulazi u supstancu finalnog proizvoda, na primjer: materijal za rastvaranje, nagrizanje, odmašćivanje i sl., livački pijesak i drugi sličan materijal;
- 3) pogonski i ogrevni materijal u procesu proizvodnje, osim derivata nafte;
- 4) materijal, rezervni dijelovi i potrošni materijal koji se u djelatnosti drumskog saobraćaja, ugrađivanjem, nanošenjem ili na drugi način troši u procesu održavanja sopstvenog voznog parka u sopstvenim radioničkim kapacitetima kao i ugradnja u ovlaštenim servisno-remontnim radionicama;
- 5) ambalaža i drugi materijal za pakovanje, materijal koji služi za sitne opravke i čišćenje opreme i proizvodnih prostorija ili se kao pomoćni, odnosno potrošni materijal troši u procesu proizvodnje;
- 6) prehrambeni i drugi proizvodi koji služe kao sirovine za pripremanje hrane i pića u ugostiteljstvu;
- 7) dizel gorivo i mazut za potrebe rudnika, termoelektrana i toplana u količini koju odredi Vlada Federacije Bosne i Hercegovine, Republike Srpske i Brčko Distrikta BiH.

Ne smatra se reproduktionim materijalom, u smislu stava 1. ovog člana, alkohol (etanol), kancelarijski materijal i pribor, tečna goriva i maziva, osim:

- 1) derivata nafte, ako ih preduzeće hemijske industrije ili drugo preduzeće koje proizvodi derivate nafte ili mineralna maziva upotrebljava kao osnovni materijal za dalju preradu, odnosno proizvodnju drugih derivata nafte i dizel goriva i mazuta za potrebe iz tačke 7. stava 1. ovog člana ili ukoliko ih preduzeće hemijske industrije ili drugo preduzeće koristi kao energetska gorivo koje se u tehničko-tehnološkom procesu proizvodnje koristi kao reciklaže sortiranog sekundarnog olova i proizvodnje akumulatora i dijelova za akumulatore;

- 2) brajštok, bazno ulje i trafo ulje, ako ih proizvođačko preduzeće nabavlja kao reprodukcioni materijal za proizvodnju mazivnih ulja kao i za proizvodnju kablova, transformatora i amortizera;
- 3) avionski benzin i mlazno gorivo ako se nabavljaju za pogon aviona pravnih lica i primarni benzin, ako ga elektrane na gas nabavljaju za proizvodnju električne energije;
- 4) mazut koji rafinerija u procesu proizvodnje derivata nafte koristi kao sirovinu i pogonsko gorivo za svoje potrebe;
- 5) alkohol (etanol) koji proizvođačko preduzeće nabavlja za izradu drugih proizvoda.

2. Porezni obveznik

Član 10.

Obveznik poreza na promet proizvoda je lice i građanin koje:

- 1) izvrši promet proizvoda namijenjenih krajnjoj potrošnji;
- 2) uvozi proizvode za sopstvenu potrošnju ili korištenje;
- 3) na drugi način izvrši promet proizvoda (korištenje proizvoda sopstvene proizvodnje, davanje proizvoda bez naknade, manjak proizvoda i rashod);
- 4) kupi novo ili upotrebljavano motorno vozilo, koje podliježe obavezi godišnje registracije;
- 5) proizvode nabavljene uz porezno oslobađanje upotrijebi u svrhe za koje nije predviđeno porezno oslobađanje ili iste proda ili otuđi prije isteka roka iz člana 5. stavova 3. i 5. Zakona;
- 6) proda, odnosno uveze proizvode prema članu 5. ako nisu ispunjeni uslovi iz člana 6. Zakona.

Ako građanin izvrši promet proizvoda pravnom licu, porezni obveznik poreza na promet proizvoda je pravno lice.

3. Porezna osnovica

Član 11.

Osnovica poreza na promet proizvoda je:

- 1) prodajna cijena prodatog proizvoda za krajnju potrošnju koja ne sadrži porez na promet proizvoda;
- 2) vrijednost uvezenog proizvoda utvrđena po carinskim propisima, uvećana za iznos carine i drugih uvoznih dažbina koje se plaćaju pri uvozu;
- 3) cijena koja bi se postigla prodajom proizvoda za potrošnju sopstvenog proizvoda i za proizvode koji se daju bez naknade;
- 4) vrijednost utvrđenog manjka;
- 5) vrijednost rashoda, iznad visine određene općim aktom obveznika, usaglašenog s normativima gubitaka po uzansama;
- 6) prometna vrijednost proizvoda koji podliježe obavezi godišnje registracije, a koji lice i građanin izgradi za svoje potrebe ili ga da drugome bez naknade, odnosno upotrebljavanog proizvoda koji podliježe godišnjoj registraciji;
- 7) prodajna cijena prodatih akciznih proizvoda koja u sebi sadrži akcizu.

Porezna osnovica poreza na promet je vrijednost prodatih proizvoda za koje nisu ispunjeni uslovi iz člana 6. ovog zakona umanjena za iznos poreza na promet.

Prodajnom cijenom iz stava 1. tačke 1 i 3 ovog člana podrazumijeva se bruto naknada koju kupac plaća prodavaču za kupljene proizvode, u koju se uračunavaju i svi sporedni troškovi koje je prodavač zaračunao kupcu.

U poreznu osnovicu poreza na promet proizvoda ne uračunavaju se transportni troškovi koji nisu sadržani u prodajnoj cijeni proizvoda već su nastali po nalogu i za račun kupca za prijevoz ili isporuku kupljenih proizvoda.

U slučaju kada prijevoz za kupca vrši prodavač, izuzimaju se samo transportni troškovi koji su odvojeno fakturisani.

Popust na cijenu proizvoda, koji prodavač daje kupcu može se odbiti od porezne osnovice samo ako je kupcu neposredno odobren u fakturi, odnosno računu, i ako ne tereti kupca. Odredbe iz ovog stava ne odnose se na promet duhanskih prerađevina.

Prometnu vrijednost iz stava 1. tačka 6 ovog člana utvrđuje nadležni porezni organ.

4. Porezne stope

Član 12.

Porez na promet proizvoda se plaća po proporcionalnim stopama.

Član 13.

Na promet svih proizvoda koji služe krajnjoj potrošnji, osim na promet proizvoda na koje se porez na promet plaća po drugim stopama ili je propisano porezno oslobađanje, plaća se porez na promet proizvoda po općoj stopi od 18%.

Član 14.

Porez na promet proizvoda po stopi od 8% plaća se na promet:

- 1) proizvoda za ishranu ljudi uključujući mineralnu-kiselu vodu i prirodne sokove bez konzervansa, osim kahve i prerađevina od kahve i proizvoda iz člana 15. Zakona;
- 2) osnovnih proizvoda poljoprivrede i ribarstva;
- 3) upotrebljivanih motornih vozila i upotrebljivanih plovnih objekata kao i novih motornih vozila koja se proizvode u BiH;
- 4) električne i toplotne energije, lignita, mrkog, kamenog i drvenog uglja, briketa od uglja, plina dobijenog destilacijom uglja, ogrevnog drveta i prirodnog zemnog gasa;
- 5) informativnog materijala za zdravstvene, vaspitne, humanitarne svrhe zaštite okoliša te kataloga muzeja, kulturnih, umjetničkih, naučnih, stručnih i drugih izložbi;
- 6) turističkog, propagandnog i informativnog materijala koji se u vidu prospekta, plakata, brošura i turističkih karata, vodiča, cjenovnika, planova gradova, informativnih letaka, naljepnica, filmova i videokaseta turističkog sadržaja dijele besplatno;
- 7) sapuna svih vrsta, deterdženata, krema i pjena za brijanje, pasti i četkica za zube, šampona za kosu, pjenušavih kupki, šampona za kupanje, toaletnog papira, vate, toaletnih papirnih ručnika i higijenskih i zaštitnih uložaka;
- 8) obuće, odjeće i rublja, osim obuće i odjeće izrađene od kože reptila i plemenitih krzna divljih životinja;
- 9) pogrebne opreme;

- 10) solarnih bojlera, generatora, ćelija, kolekora, toplinskih pumpi i druge opreme za korištenje sunčane energije, odnosno fotonapona;
- 11) ekološki prihvatljive ambalaže za krajnju potrošnju u trgovini i ugostiteljstvu na osnovu mišljenja organa Vlade Brčko Distrikta BiH;
- 12) proizvoda za građevinarstvo, drvene rezane građe i pribora, građevinske stolarije, drvene ploče i instalacioni materijal;
- 13) tečnog naftnog plina u bocama i kontejnerima;
- 14) školskih učila, školskog pisaćeg i crtaćeg pribora;
- 15) računara i računarske opreme;
- 16) mazuta.

Pod proizvodima za građevinarstvo iz tačke 12. ovog člana podrazumijevaju se: agregati (pijesak, šljunak i drobljeni kamen), veziva (cement i vapno), svježi beton, opeka (puna, šuplja i sve vrste blokova), ispune i gredice, blokovi od betona i prinobetona ("siporeks"), crijep (od betona i opeke), azbest cementne - ploče (salonit ploče i pribor), betonsko željezo (glatko, rebrasto, valjana žica, armaturne mreže i ekseri), sve vrste stakla, keramičke pločice (podne i zidne), termoizolacijski i hidroizolacijski materijal na bazi mineralnih materijala, staklene vune, plute, bitumena i sintetičkih materijala.

Pod građevinskom stolarijom iz tačke 12. ovog člana podrazumijevaju se obrađena lamperija, parket, vrata, prozori, kapci i drugi slični proizvodi bez obzira od kojeg su materijala izrađeni (drvo, metal, plastika ili kombinacija tih materijala).

Pod instalacionim materijalom iz tačke 12. ovog člana podrazumijevaju se: sav ugrađeni materijal u elektro, telefonsko, vodovodne i kanalizacione instalacije kao i materijal za centralna grijanja s opremom.

Član 15.

Porez na promet proizvoda ne plaća se na:

- 1) izvoz proizvoda;
- 2) sve vrste hljeba i mlijeka i mliječnih proizvoda, jestivog ulja, biljne i životinjske masti, maslaca, margarina i hrane za dojenčad zasnovane na mlijeku;
- 3) prirodnih i vještačkih đubriva i sredstava za zaštitu bilja i svih vrsta sjemena i sadnog materijala;
- 4) stočnu hranu i dodatke bez koncentrata;
- 5) proizvode koji se uvoze a za koje je prema odredbama carinskih propisa predviđeno oslobađanje od plaćanja carine izuzev građevinskog materijala, proizvoda za koje je predviđeno oslobađanje međunarodnim ugovorom koji je zaključila Bosna i Hercegovina ili njeni entiteti i proizvode koji se prodaju u slobodnim carinskim prodavnicama;
- 6) proizvode koje pod uslovom reciprociteta, nabavljaju strana diplomatska i konzularna predstavništva i strano diplomatsko i konzularno osoblje, na osnovu potvrde Ministarstva inozemnih poslova BiH;
- 7) proizvode što ih humanitarne organizacije registrovane kod nadležnog organa dobijaju bez naknade ili nabavljaju na način i pod uslovima iz člana 6. ovog zakona, a upotrebljavaju ih za namjene za koje su osnovane, osim putničkih automobila, nafte i naftnih derivata, duhana i duhanskih preradevina, alkohola i alkoholnih pića, piva, kahve, i preradevina od kahve, s tim da ih dalje ne prodaju, izuzev značaka, markica i drugih grafičkih proizvoda s otisnutim vlastitim znakom, i sadržajem vezanim za djelatnost;
- 8) proizvode preduzeća i udruženja za radno osposobljavanje i profesionalnu rehabilitaciju i zapošljavanje invalida prodate krajnjem potrošaču u vlastitim maloprodajnim objektima;

- 9) sredstva naoružanja i opreme za Policiju Brčko Distrikta BiH i opremu za poljoprivrednu proizvodnju;
- 10) lijekove, pomoćna ljekovita sredstva i medicinska sredstva utvrđena propisima o proizvodnji i prometu lijekova;
- 11) udžbenike za predškolsko, osnovno, srednje, više i visoko obrazovanje, na osnovu mišljenja Odjeljenja za obrazovanje Distrikta;
- 12) knjiga, brošura, časopisa i publikacija, naučnog, umjetničkog, kulturnog i obrazovnog karaktera, školskih svesaka, službenog glasila, dnevne i nedeljne štampe na osnovu mišljenja nadležnog organa Brčko Distrikta;
- 13) bebi opremu (osim igrački);
- 14) vodu za piće (H₂O);
- 15) ortopedska pomagala;
- 16) predmete koje otkupljuju muzeji i arhivi kao spomeničke muzejske i arhivske vrijednosti;
- 17) promet automobila za invalidna lica - građane koja jednom u razmaku od pet godina uvoze ili nabavljaju u BiH za namjene, na način i pod uslovima propisanim carinskim propisima;
- 18) pčelarskih proizvoda opreme za pčelarstvo i sredstva za zaštitu zdravlja pčela.

Vlada Distrikta u smislu ovog zakona bliže utvrđuje šta se smatra sredstvima naoružanja i opreme za Policiju Brčko Distrikta BiH i opremom za poljoprivrednu proizvodnju.

Pod licima - građanima iz stava 1. tačka 17 ovog člana podrazumijevaju se lica građani koja imaju pravo na oslobađanje od carine po odredbama carinskih propisa.

Ako invalidno lice - građanin, odnosno njegovi roditelji ili staratelji specijalni putnički automobil prodaju, daju bez naknade, na drugi način otuđe ili daju na upotrebu drugom licu - građaninu, prije isteka roka od pet godina od dana nabavke, naplatit će se porez na promet proizvoda u visini poreza od kojeg je to lice - građanin bilo oslobođeno po propisima koji su važili u času nabavke automobila, kao i kamata iz člana 36. ovog zakona, obračunata od dana nastanka porezne obaveze pa do dana plaćanja poreza.

Član 16.

Porez na promet proizvoda ne plaća se na proizvode ili dijelove proizvoda koji se uz dokaze u garantnom roku zamjenjuju kupcu bez naknade.

Ako porezni obveznik koji prodaje nova motorna vozila preuzme od kupca upotrebljavano motorno vozilo i u zamjenu za to motorno vozilo da kupcu novo vozilo, pozitivna razlika između prodajne cijene novog vozila i vrijednosti koja se priznaje kupcu za preuzeto upotrebljavano vozilo koje se zamjenjuje, čini poreznu osnovicu na koju se porez obračunava i plaća.

Ako je prilikom zamjene upotrebljavanog motornog vozila, u smislu stava 2. ovog člana, pozitivna razlika manja od 30% porez se obračunava primjenom porezne stope na osnovicu koju čini 30% porezne osnovice na koju se plaća porez na novo vozilo.

Ako porezni obveznik preuzme upotrebljavano motorno vozilo pod uslovima iz stava 2. ovog člana pa to vozilo popravi, obnovi ili na drugi način osposobi za redovnu upotrebu i to pod uslovom da vrijednost takvih usluga i materijala utrošenih za te usluge iznosi najmanje 10% od vrijednosti otkupljenog upotrebljavanog motornog vozila pa ga proda kupcu - krajnjem korisniku, poresku osnovicu čini pozitivna razlika između nabavne i prodajne cijene.

IV – POREZ NA PROMET USLUGA

1. Predmet oporezivanja

Član 17.

Porez na promet usluga plaća se na usluge koje se obavljaju uz naknadu.

2. Porezni obveznik

Član 18.

Obveznik poreza na promet usluga je lice koje izvrši uslugu iz člana 17. ovog zakona.

Ako fizičko lice izvrši uslugu pravnom licu ili preduzetniku, porezni obveznik poreza na promet usluga je pravno lice, odnosno preduzetnik.

3. Porezna osnovica

Član 19.

Osnovica poreza na promet usluga je iznos naknade za izvršenu uslugu u koju nije uračunat porez na promet usluga.

Član 20.

Osnovica poreza na promet usluga je:

- 1) provizija i druga naknada za usluge zastupanja pravnih ili fizičkih lica, advokatske, agencijske, posredničke, zastupničke, komisione, bankarske, berzanske, špeditorske i usluge platnog prometa;
- 2) ostvarena premija osiguranja;
- 3) iznos naknade po odbitku vrijednosti ugrađenih rezervnih dijelova i materijala na koje je plaćen porez na promet proizvoda, pod uslovom da su posebno iskazane u fakturi – za usluge popravke i servisiranje proizvoda;
- 4) iznos naknade za izvršene ostale usluge;
- 5) iznos naknade po odbitku vrijednosti ugrađenog građevinskog materijala na koji je plaćen porez na promet proizvoda, pod uslovom da su posebno iskazani u fakturi za građevinske usluge.

4. Porezna stopa

Član 21.

Porez na promet usluga plaća se po proporcionalnim stopama.

Član 22.

Porez na promet usluga plaća se po stopi od 8 %.

Porez na promet usluga na igre na sreću plaća se po odredbama posebnog zakona.

5. Porezna oslobađanja

Član 23.

Porez na promet usluga ne plaća se na:

- 1) kreditne usluge (kamate) i usluge deponovanja sredstava;
- 2) usluge prijevoza u međunarodnom saobraćaju;
- 3) izvozne usluge koje obave domaća pravna lica i preduzetnici sa sjedištem u Distriktu stranim pravnim licima sa sjedištem u inozemstvu, a naplaćene su u skladu s propisima kojima je uređeno spoljnotrgovinsko i devizno poslovanje, na usluge oplemenjivanja (lohn) i usluge što ih obave kooperanti organizatora lohn posla (izvoznika) nezavisno od načina naplate usluge;
- 4) zdravstvene i veterinarske usluge, te usluge socijalne zaštite;
- 5) usluge u oblasti prosvjete i kulture (usluge osnovnih, srednjih, viših i visokih škola i fakulteta, ustanova, biblioteka, pozorišnih i kino predstava, koncertnih priredbi ozbiljne muzike, te sportskih i koncertnih priredbi kod kojih se ukupno ostvareni prihodi daju u humanitarne svrhe);
- 6) usluge osiguranja života;
- 7) osiguranje od profesionalnog oboljenja i osiguranje od ozljeda na radu;
- 8) usluge što ih obavljaju humanitarne organizacije u okviru registrovane djelatnosti;
- 9) usluge koje vrše organi uprave u okviru utvrđene nadležnosti;
- 10) usluge vjerskih institucija;
- 11) usluge što ih pod uslovima reciprociteta pravna i fizička lica obavljaju diplomatskim i konzularnim predstavništvima, stranom diplomatskom i konzularnom osoblju, na osnovu potvrde Ministarstva inozemnih poslova BiH;
- 12) usluge ekshumacije koje se vrše na zahtjev nadležnih organa;
- 13) usluge obrade poljoprivrednog zemljišta, uključujući usluge ubiranja plodova s poljoprivrednog zemljišta;
- 14) usluge meljave pšenice za robne rezerve.

Pod uslugama iz stava 1. ovog člana podrazumijevaju se usluge upisane u registar kod nadležnog organa, a određene po propisima o klasifikaciji djelatnosti Distrikta.

V – OBRAČUN I NAPLATA POREZA NA PROMET

1. Obračun poreza na promet

Član 24.

Obveznik poreza dužan je da obračuna porez na promet.

Obaveza obračunavanja poreza na promet nastaje u momentu kada je izvršen promet proizvoda, odnosno usluga.

Smatra se da je promet, odnosno usluga izvršena danom:

- 1) izdavanja fakture (računa) o prodaji proizvoda, odnosno izvršenju usluge;
- 2) isporuke proizvoda, odnosno izvršenja usluge,
- 3) isporuke proizvoda koji su dati bez naknade;
- 4) utvrđivanja manjka i rashoda;

- 5) uzimanja proizvoda za sopstvenu upotrebu;
- 6) isporuke proizvoda prodavnici koja vrši promet proizvoda na malo.

Član 25.

Porez na promet motornih vozila koja podliježu obavezi godišnje registracije obračunava porezni organ prema mjestu prebivališta fizičkog lica - građanina, odnosno sjedištu pravnog lica.

Porez na promet proizvoda koji podliježu obavezi godišnje registracije, a koje građanin sam izrađuje ili daje bez naknade, obračunava porezni organ prema mjestu prebivališta građanina.

Porez na promet proizvoda koji podliježu obavezi godišnje registracije, a koje pravna lica i preduzetnici daju bez naknade, obračunava porezni organ nadležan prema sjedištu obveznika.

Porez na promet upotrebljivanih motornih vozila ili plovnih objekata koji podliježu obavezi godišnje registracije, a koji se vrši između građana, obračunava porezni organ prema mjestu prebivališta prodavača, a između pravnih lica kao i između pravnih lica i građana prema sjedištu odnosno prebivalištu kupca.

2. Plaćanje poreza na promet

Član 26.

Obračunati porez na promet proizvoda porezni obveznik plaća periodično kao akontacije i konačno na kraju godine.

Akontacije iz prethodnog stava porezni obveznik plaća u roku od pet dana nakon isteka svakih petnaest dana u mjesecu na vrijednost fakturisanih prodatih proizvoda.

Izuzetno od odredaba stava 2. ovog člana na promet cigareta i drugih duhanskih prerađevina porez na promet proizvoda plaća se prije preuzimanja poreznih markica na osnovicu utvrđenu u skladu s članom 11. ovog zakona.

Izuzetno od odredaba stava 2. ovog člana porezni obveznik koji obavlja djelatnost distribucije električne energije, akontaciju plaća u roku od pet dana nakon isteka svakih petnaest dana u mjesecu na vrijednost naplaćene realizacije.

Izuzetno od odredaba stava 4. ovog člana, u naplaćenu realizaciju uračunava se i vrijednost prodate, a nenaplaćene električne energije, ako je od dana izdavanja računa, odnosno od dana isporuke električne energije, proteklo više od 90 dana.

Član 27.

Kod utvrđivanja akontacija za plaćanje obračunatog poreza na promet, obračun se može izvršiti i primjenom preračunatih poreznih stopa koje se primjenjuju na prodajnu cijenu, odnosno naknadu s uračunatim (ukalkulisanim) porezom na promet.

Član 28.

Porezni obveznik koji vrši promet proizvoda na malo utvrđuje i plaća akontacije poreza na promet proizvoda na osnovu podataka u knjigovodstvu i vanknjigovodstvenoj evidenciji koja se vodi po stopama poreza na promet za svaku prodavnicu i drugu poslovnu jedinicu ili za sve prodavnice i druge poslovne jedinice, u roku od pet dana po isteku svakih petnaest dana u mjesecu na jedan od slijedećih načina:

- 1) u visini ukalkulisanog poreza na promet na sve količine i vrste proizvoda koji su isporučeni prodavnici ili drugoj poslovnoj jedinici radi prodaje krajnjem potrošaču;
- 2) na osnovu podataka o prodatim proizvodima primjenom preračunatih prosječnih poreznih stopa koje se utvrđuju mjesečno,
- 3) na osnovu podataka o prodatim proizvodima razvrstanim po stopama poreza na promet.

Preračunatim prosječnim poreznim stopama iz stava 1. tačka 2 ovog člana podrazumijevaju se stope utvrđene iz odnosa ukupno ukalkulisanog poreza na promet i ukupnog zaduženja prodavnice, odnosno druge poslovne jedinice.

Član 29.

Prilikom prodaje, uvoza ili davanja bez naknade motornih vozila koja podliježu obavezi godišnje registracije, kao i za proizvode koje građani sami izrađuju, a koji podliježu obavezi godišnje registracije, porez na promet proizvoda plaća se u roku od petnaest dana od dana izdavanja računa ili drugog dokumenta, odnosno od dana plaćanja carine i drugih uvoznih dažbina kao i u roku od petnaest dana od dana izrade proizvoda, odnosno davanja bez naknade.

Član 30.

Porezni obveznik utvrđuje i plaća akontaciju poreza na promet usluga u roku od pet dana po isteku svakih petnaest dana u mjesecu, odnosno po isteku mjeseca, na vrijednost fakturisanih usluga izvršenih u tom periodu.

Izuzetno od odredaba prethodnog stava porezni obveznik koji obavlja djelatnost PTT usluga, akontaciju plaća u roku od pet dana po isteku svakih petnaest dana u mjesecu, odnosno po isteku mjeseca na vrijednost naplaćenih usluga izvršenih u tom periodu.

Izuzetno od odredaba stava 2. ovog člana pod naplaćenim naknadama podrazumijeva se i vrijednost izvršenih, a nenaplaćenih usluga, ako je od dana izdavanja računa, odnosno od dana izvršene usluge, proteklo više od 90 dana.

Obračunati porez na promet obveznik je dužan uplatiti na propisane račune.

Porezni obveznik koji obavlja djelatnost osiguranja, akontaciju plaća u roku od pet dana po isteku svakih petnaest dana u mjesecu, odnosno po isteku mjeseca na vrijednost izvršenih usluga u tom periodu.

Pod izvršenim uslugama iz prethodnog stava, u smislu ovog zakona, podrazumijeva se naplaćena premija osiguranja.

Član 31.

Svi porezni obveznici do 15. januara tekuće godine pismeno obavještavaju nadležni porezni organ o načinu obračunavanja i plaćanja akontacije poreza na promet proizvoda, a novoosnovano preduzeće i radnja u roku od deset dana od dana osnivanja.

Način obračunavanja i plaćanja akontacija poreza na promet ne može se mijenjati u toku godine, osim u slučaju statusne promjene.

Porezni obveznik koji ne prijavi Poreznoj upravi u roku propisanom ovim zakonom način utvrđivanja i plaćanja akontacije poreza na promet proizvoda ili se ne pridržava prijavljenog načina, obavezan je da porez na promet proizvoda plaća na način propisan tačkom 1 stava 1. člana 28. ovog zakona.

3. Sastavljanje i podnošenje obračuna poreza na promet

Član 32.

Porezni obveznik sastavlja obračun akontacije poreza na promet polugodišnje u roku od 30 dana po isteku polugodišta i podnosi ga nadležnom poreznom organu.

Porezni obveznik uz obračun akontacija podnosi i naloge za uplatu razlike poreza na promet, ako su uplaćene akontacije manje od iznosa porezne obaveze utvrđene tim obračunom, a za više uplaćene iznose podnosi zahtjev za povrat ili pismeno izvještava da će za više uplaćene iznose umanjiti sljedeću akontaciju.

Član 33.

Porezni obveznik konačno obračunava porez na promet po isteku godine.

Konačan obračun poreza na promet sastavlja se i podnosi najkasnije do 28. februara naredne godine.

Ako je porezni obveznik, koji je u protekloj godini plaćao akontacije poreza na promet po odredbama člana 28. stav 1. tačke 2 i 3 ovog zakona odlučio da u narednoj godini plaća akontacije poreza po odredbama tačke 1 tog stava, dužan je da iznos ukalkulisanog poreza na promet, za robu koja se zatekla na zalihama na dan 31. decembra protekle godine u prodavnici ili drugoj poslovnoj jedinici, uplati po podnošenju godišnjeg obračuna rezultata poslovanja.

Ako je porezni obveznik, koji je u protekloj godini plaćao akontacije poreza na promet po odredbi tačke 1 člana 28. Zakona, odlučio da u narednoj godini plaća akontacije poreza na promet po odredbama člana 28. stav 1. tačke 2 i 3 tog stava, može podnijeti zahtjev za povrat iznosa ukalkulisanog i plaćenog poreza na promet za proizvode koji su se zatekli na zalihama na dan 31. decembra prethodne godine u prodavnici ili drugoj poslovnoj jedinici ili ga koristi kao akontaciju za tekuću godinu.

Član 34.

Radi sastavljanja konačnog obračuna poreza na promet proizvoda u prometu na malo, porezni obveznik vrši popis zaliha proizvoda na dan 31. decembra godine za koju se vrši konačan obračun.

Popis zaliha proizvoda vrši se posebno po svakoj poreznoj stopi.

Porezni obveznik koji zbog obima poslovanja nije u mogućnosti da popis zaliha proizvoda izvrši na dan 31. decembra može popis zaliha proizvoda izvršiti u toku mjeseca decembra tekuće godine, a najkasnije do 15. januara naredne godine.

Porezni obveznik koji vrši popis zaliha proizvoda u toku decembra mjeseca tekuće godine ili od 01. do 15. januara naredne godine dužan je da zalihe proizvoda utvrđene popisom svede na dan 31. decembra, i to po svakoj poreznoj stopi posebno.

Član 35.

Porezni organ vrši kontrolu polugodišnjeg i konačnog obračuna poreza na promet i preduzima mjere za otklanjanje nepravilnosti.

Ako se u postupku kontrole utvrdi da poslovne knjige nisu vođene, ili nisu vođene uredno i tačno, konačno utvrđivanje poreza na promet izvršit će se na osnovu raspoloživih podataka o ostvarenom prometu, a ako se njima ne raspolože onda za obveznike samostalnih djelatnosti principom upoređivanja s drugim obveznikom iste ili slične djelatnosti koji tu djelatnost obavlja pod približno jednakim uslovima.

Član 36.

Na iznos poreza na promet koji nije uplaćen u zakonom propisanom roku plaća se kamata.

Kamata iz stava 1 ovog člana obračunava se i plaća po stopi propisanoj Zakonom o visini stope zatezne kamate Brčko Distrikta BiH.

Član 37.

Od poreznog obveznika koji porez na promet nije uplatio u propisanom roku naplata će se izvršiti prinudnim putem.

Prinudnu naplatu sprovodi porezni organ prema zakonu kojim se uređuje prinudna naplata.

4. Mjesto plaćanja poreza na promet

Član 38.

Porez na promet proizvoda i usluga plaća se prema mjestu u kome je promet, odnosno usluga izvršena, ako ovim zakonom nije drukčije određeno.

Član 39.

Porez na promet proizvoda plaća se:

- 1) prema sjedištu pravnog lica, odnosno prema sjedištu poslovne jedinice (prodavnice, stovarište, konsignacionog skladišta ili druge poslovne jedinice) koje je proizvode prodalo krajnjem potrošaču;
- 2) pri prodaji proizvoda preko predstavništva, izložbenih ili sajamskih prostora, prema sjedištu predstavništva, izložbenog ili sajamskog prostora, bez obzira na to odakle se kupcu isporučuju i fakturišu proizvodi;
- 3) pri prodaji proizvoda prospektima ili pokretnim prodavnicama, prema sjedištu poreznog obveznika;
- 4) pri prodaji proizvoda koju vrši preduzetnik prema sjedištu radnje koja je izvršila promet, ako se proizvodi prodaju na sajmovima, vašarima i dr., porez na promet plaća se prema mjestu održavanja sajma, vašara i dr.;
- 5) pri prodaji i uvozu motornih vozila, koja podliježu obavezi godišnje registracije prema sjedištu, odnosno prebivalištu kupca;
- 6) pri prodaji proizvoda koji podliježu obavezi godišnje registracije a koje građanin ili preduzetnik sam izrađuje prema prebivalištu građanina, odnosno sjedištu preduzetnika;

Član 40.

Izuzetno od odredbi člana 38. ovog zakona, porez na promet usluga plaća se:

- 1) prema sjedištu, odnosno prebivalištu zakupodavca za usluge zakupa pokretnih stvari,
- 2) za usluge zakupa nepokretnosti, prema mjestu gdje se nalazi nepokretnosti i
- 3) za usluge prijevoza putnika i robe prema sjedištu poreskog obveznika.

VI – ISKAZIVANJE I EVIDENTIRANJE POREZA NA PROMET I DOSTAVLJANJE PODATAKA I DOKUMENTACIJE

Član 41.

Za proizvode za koje su određene različite porezne stope, zavisno od njihove vrste, kvaliteta, sirovinskog sastava, cijene ili drugih svojstava, proizvođač, odnosno uvoznik dužan je da u fakturi o prodaji proizvoda, odnosno u drugom dokumentu koji prati prodati proizvod ili na etiketi označi namjenu, vrstu, kvalitet, cijenu ili drugo svojstvo proizvoda, a u fakturi i poreznu stopu po kojoj se obračunava i plaća porez na promet tih proizvoda prilikom puštanja u promet, odnosno prilikom prodaje krajnjim potrošačima, shodno članu 5. ovog zakona.

Smatra se da je proizvod izrađen od određenog materijala ako je taj materijal sadržan u proizvodu više od 50% po vrijednosti u odnosu na ukupnu vrijednost proizvoda. Ako su u određenom proizvodu zastupljena više od dva različita materijala, smatra se da je proizvod izrađen od pretežno sadržanog materijala po vrijednosti u odnosu na ukupnu vrijednost proizvoda.

Ako se dva ili više proizvoda puštaju u promet u kompletu, garnituri i sl. i ako nije moguće utvrditi za svaki taj proizvod poreznu osnovicu ili ako su ti proizvodi povezani u nerazdvojnu cjelinu, na prodajnu

cijenu koja čini poreznu osnovicu kompleta, garniture i sl. primjenjuje se najviša porezna stopa koja važi za te proizvode kad se posebno stavljaju u promet.

Za proizvode koji su oslobođeni od plaćanja poreza na promet proizvoda porezni obveznik iz stava 1. ovog člana dužan je da se u fakturi o prodaji tih proizvoda pozove na odredbu kojom je uvedeno porezno oslobođanje proizvoda.

Odredbe iz stavova 1. i 4. ovog člana odnose se i na trgovinska preduzeća koja vrše promet proizvoda na veliko kad takve proizvode prodaju trgovinskim preduzećima (na veliko i malo) i radnjama koji su za te proizvode obveznici poreza na promet proizvoda i usluga.

Član 42.

Porezni obveznik pravno lice dužan je da u svom knjigovodstvu obezbijedi podatke o poreznim osnovicama po poreznim stopama na osnovu kojih se utvrđuje i plaća porez na promet i sastavlja obračun poreza na promet.

Analitičko evidentiranje poreznih osnovica na koje se primjenjuju različite porezne stope, porezni obveznik može obezbijediti i vanknjigovodstvenom evidencijom.

Proizvođači alkohola (etanola) i prodavači alkohola (etanola) na veliko dužni su da u svom knjigovodstvu obezbijede podatke o proizvedenim odnosno prodatim količinama alkohola (etanola) prema namjeni za koju je prodat. Kupci alkohola (etanola) dužni su da vode posebnu knjigu o utrošku alkohola (etanola) nabavljenog bez plaćanja poreza na promet, odnosno alkohola (etanola) nabavljenog za potrebe dalje prerade ili nabavljenog za dalju prodaju.

O korištenju proizvoda nabavljenih bez plaćanja poreza na promet, kupac pravno lice je dužan da pored knjige izjava iz člana 7. stav 3. ovog zakona vodi evidenciju o nabavci i utrošku proizvoda nabavljenih bez plaćanja poreza na promet po vrsti, količini i vrijednosti proizvoda.

Porezni obveznik iz stava 1. ovog člana čije je sjedište van teritorije Distrikta dužan je da za promet obavljen preko poslovne jedinice (prodavnice, stovarišta, predstavništva, konsignacionog skladišta i dr.) na teritoriji Distrikta obezbijedi u toj poslovnoj jedinici evidenciju o obračunatom i dokaz o plaćenom porezu na promet.

Član 43.

Porezni obveznik, preduzetnik dužan je da vodi knjigu koja će sadržavati podatke o prometu i obračunatom i uplaćenom porezu na promet, osim ako nije prema zakonu kojim se utvrđuje porez na dohodak - dobit ili drugom zakonu dužan da vodi evidenciju o prometu koja u sebi sadrži podatke o obračunatom i uplaćenom porezu na promet.

Ako porezni obveznik, preduzetnik nabavlja proizvode radi reprodukcije bez plaćanja poreza na promet, dužan je da vodi, pored poslovnih knjiga iz stava 1. ovog člana i knjigu nabavke i upotrebe reprodukcionog materijala i podatke o prometu žiroračuna.

Porezni obveznik iz stava 1. ovog člana koji proizvodi i prerađuje predmete od plemenitih metala pored poslovnih knjiga iz stava 1. ovog člana, dužan je da vodi evidenciju o kupovini plemenitih metala, evidenciju o preradi plemenitih metala i evidenciju o proizvodnji i prodaji predmeta od plemenitih metala i da za svaku količinu kupljenog plemenitog metala izda potvrdu prodavaču.

Porezni obveznik dužan je propisane knjige i evidencije voditi uredno i tačno.

Član 44.

Porezni obveznik, pravno lice i preduzetnik svaki pojedinačno ostvaren promet proizvoda, odnosno svaku pojedinačno izvršenu uslugu dužan je da evidentira preko registar kase ili softversko računarske opreme i da isječak iz registar kase odnosno račun iz računarskog štampača izda kupcu odnosno korisniku usluge.

Isječak iz kasene trake odnosno račun iz stava 1. ovog člana mora sadržavati: naziv poreznog obveznika, serijski broj, datum i prodajnu vrijednost po vrstama proizvoda.

Izuzetno od odredaba stava 1. ovog člana pravno lice i preduzetnik koji vrši dnevni promet komadnih proizvoda manjem broju kupaca ili vrši uslužne djelatnosti može za svaki pojedinačno ostvaren promet, odnosno za svaku pojedinačno izvršenu uslugu promet evidentirati izdavanjem kupcu proizvoda odnosno korisniku usluga ručno ispisan račun (fakturu) u skladu sa stavom 2 ovog člana.

Obaveza izdavanja računa, odnosno registrovanja prometa preko registar kase odnosi se na svako fizičko lice koje kod poreskog obveznika prodaje proizvode, odnosno vrši uslugu.

Obaveza izdavanja računa, odnosno registrovanja prometa preko registar kase ne odnosi se na prodavnice dnevne štampe i cigareta koje promet proizvoda vrše preko kioska, i na promet proizvoda preko pijačnih tezgi na pijacama i drugim slobodnim prostorima i na promet proizvoda i usluga kojima je porez na promet utvrđen paušalnim iznosom.

Poreski obveznik iz stava 1. ovog člana dužan je da za prodate proizvode, odnosno izvršene usluge kupcu izda račun (fakturu), odnosno odgovarajući isječak kasene trake, bez obzira na to da li je kupac to posebno zahtijevao ili ne. Kupac proizvoda, odnosno korisnik izvršene usluge dužan je da takav porezni dokument sačuva neposredno po izlasku iz radnje ili drugog poslovnog objekta i pokaže ga na zahtjev organa nadležnog za poslove kontrole.

Član 45.

Ako se porez na promet povećava, smanjuje ili ukida, obveznik je dužan da, na dan stupanja na snagu propisa kojim se povećava, smanjuje ili ukida porez na promet proizvoda, izvrši popis proizvoda na zalihama i utvrdi nove prodajne cijene s povećanim, smanjenim ili ukinutim porezom na promet proizvoda.

VII – ZASTARJELOST

Član 46.

Pravo na utvrđivanje i naplatu poreza na promet zastarijeva u rokovima iz Zakona o poreznoj upravi Brčko Distrikta BiH.

VIII – KONTROLA OBRAČUNAVANJA I PLAĆANJA POREZA NA PROMET

Član 47.

Kontrolu obračunavanja i plaćanja poreza na promet vrši Porezni organ Brčko Distrikta BiH.

Pravna lica i preduzetnici dužni su kontrolnom organu pružiti na uvid svu knjigovodstvenu dokumentaciju koja se odnosi na poslovanje radi vršenja kontrole.

Ako organ iz stava 1. ovog člana utvrdi da porezni obveznik nije tačno obračunao i uplatio porez na promet koji je bio dužan da plati, ili ako utvrdi druge povrede odredaba ovog zakona (nevođenje ili netačno, neuredno i neažurno vođenje knjigovodstveno-porezne evidencije, neizdavanje računa i dr.), donijet će rješenje o utvrđivanju porezne obaveze, odnosno rješenje o otklanjanju utvrđenih nepravilnosti i odrediti rok za uplatu, odnosno za otklanjanje utvrđenih nedostataka.

Rješenje o utvrđivanju obaveze, odnosno otklanjanju nedostataka organ iz stava 1. ovog člana donosi u skladu s odredbama zakona, kojim se propisuje naplata poreza.

IX – POVRAT POREZA

Član 48.

Porezni obveznik od koga je naplaćen porez na promet, a koji nije bio dužan da isti plati po članu 26. ovog zakona prilikom prometa po članu 7, kao i porezni obveznik koji izvozi proizvode na koji je plaćen porez na promet, imaju pravo na povrat plaćenog poreza na promet.

Porezni obveznik iz stava 1. ovog člana podnosi zahtjev za povrat uplaćenog poreza na promet poreznom organu gdje se vodi kao porezni obveznik.

Gradanin - fizičko lice koji nije državljanin BiH, a koji iznosi iz Brčko Distrikta van carinskog područja BiH, proizvode iznad vrijednosti od 500,00 KM ima pravo na povrat obračunatog poreza na promet.

Povrat poreza na promet iz prethodnog stava vrši se u skladu s pravilnikom koji donosi gradonačelnik.

Porezni obveznik od koga je naplaćen porez na promet, a koji nije bio dužan da ga plati ima pravo na povrat plaćenog poreza na promet, kamate, troškove prinudne naplate i novčane kazne.

Porezni obveznik podnosi zahtjev za povrat pogrešno ili više uplaćenog poreza na promet poreznom organu gdje se vodi kao porezni obveznik.

Uz zahtjev porezni obveznik prilaže i dokaze o plaćenom porezu na promet.

Pravo na povrat poreza na promet zastarijeva u roku iz člana 46. ovog zakona.

Član 49.

Bliže propise o načinu obračunavanja i plaćanja poreza na promet, sadržini i načinu vođenja evidencije donosi gradonačelnik.

X – PLAĆANJE POREZA NA PROMET U PAUŠALNOM IZNOSU

Član 50.

Obveznik fizičko lice koji porez na dohodak građana na prihode od samostalne djelatnosti plaća prema paušalno određenom neto prihodu, plaća porez na promet u godišnjem paušalnom iznosu.

Ukoliko porezni obveznik izvrši nabavku proizvoda suprotno odredbama člana 51. ovog zakona (bez obračunatog poreza na promet) izvršit će se obračun i naplata poreza na promet u dvostrukom iznosu neobračunatog poreza na promet sa zaračunatom kamatom.

Porez na promet iz stava 1. ovog člana utvrđuje nadležni porezni organ prema kriterijima i na način koji su zakonom kojim se uređuje porez na dohodak propisani za paušalno oporezivanje s tim što godišnji utvrđeni porez ne može biti niži od 600 KM (konvertibilnih maraka).

Utvrđeni porez na promet iz stava 2. ovog člana plaća se u rokovima i na način propisan za plaćanje poreza na dohodak na prihod od samostalne djelatnosti.

Član 51.

Odredbe članova 5, 24, 26, 30, 32, 33, 43. i 44. ovog zakona ne odnose se na obveznike koji porez na promet plaćaju u godišnjem paušalnom iznosu.

XI – KAZNENE ODREDBE

Član 52.

Novčanom kaznom od 1.000 do 10.000 KM (konvertibilnih maraka) kaznit će se za prekršaj pravno lice:

- 1) ako nabavljene proizvode koji predstavljaju materijal za reprodukciju upotrijebi za druge svrhe (član 5. i 6.);
- 2) ako prilikom nabavke proizvoda, da prodavaču netačne podatke radi izbjegavanja plaćanja poreza (član 5., 6. i 7.);
- 3) ako postupi suprotno odredbi člana 5. stav 5. ovog zakona;
- 4) ako ne vodi knjigu datih izjava (član 7.);

- 5) ako ne obračuna porez na promet ili obračunati porez na promet ne uplati ili ne uplati u propisanom roku (član 24, 26, 28. i 30.);
- 6) ako ne obavijesti nadležni organ o odabranom načinu plaćanja poreza na promet (član 31.);
- 7) ako ne podnese ili ne podnese blagovremeno obračun poreza na promet (član 32. i 33.);
- 8) ako u fakturi o prodaji proizvoda ne unese propisane podatke (član 41. stavovi 1. i 4.);
- 9) ako ne obezbijedi podatke o poreznim osnovicama i poreznim stopama (član 42. stav 1.);
- 10) ako ne vodi evidenciju po količinama i vrstama proizvoda na način predviđen ovim zakonom (član 42. stav 3.);
- 11) ako ne izda kupcu račun ili isječak kasene trake prilikom prodaje proizvoda ili vršenja usluga (član 44.);
- 12) ako kod promjene poreznih stopa ne izvrši popis zaliha proizvoda ili ako u nove cijene ne ukalkuliše povećani, odnosno smanjeni porez na promet (član 45.);
- 13) ako ometa ovlašteno lice prilikom vršenja kontrole obračuna i plaćanja poreza na promet (član 47.).

Novčanom kaznom od dvostrukog do petostrukog iznosa neobračunatog poreza, a najmanje od 1.000 KM (konvertibilnih maraka) kaznit će se za prekršaje pravno lice koje prekršajnom radnjom iz stava 1. ovog člana izbjegne plaćanje poreza.

Za radnje iz stava 1. ovog člana kaznit će se za prekršaj i odgovorno lice u pravnom licu novčanom kaznom od 200 do 1.000 KM (konvertibilnih maraka).

Član 53.

Novčanom kaznom od 500 do 5.000 KM (konvertibilnih maraka) kaznit će se za prekršaj fizičko lice, preduzetnik:

- 1) ako postupi suprotno odredbi člana 5. stav 5. ovog zakona;
- 2) ako prilikom nabavke proizvoda, da prodavaču netačne podatke radi izbjegavanja plaćanja poreza (član 5, 6. i 7.);
- 3) ako knjigu prometa i knjigu obračuna poreza na promet proizvoda, odnosno druge porezne evidencije propisane ovim zakonom ne vodi ili ih vodi neuredno i netačno (član 7. i 43.);
- 4) ako obračunatu akontaciju poreza na promet ne uplati u propisanom roku (član 26, 28. i 30.);
- 5) ako ne obavijesti nadležan organ o odabranom načinu plaćanja akontacije poreza na promet (član 31.);
- 6) ako ne podnese ili neblagovremeno podnese obračun akontacije poreza na promet (član 32.);
- 7) ako ne podnese ili neblagovremeno podnese konačan obračun poreza na promet (član 33.);
- 8) ako ne izda kupcu račun ili isječak iz kasene trake prilikom prodaje proizvoda ili pri vršenju usluga. (član 44.);
- 9) ako pri promjeni poreznih stopa ne izvrši popis proizvoda na zalihama ili ako u nove cijene ne ukalkuliše povećani, odnosno smanjeni porez na promet (član 45.);
- 10) ako ometa ovlašteno lice prilikom vršenja kontrole obračuna ili plaćanja poreza na promet (član 47.).

Novčanom kaznom od dvostrukog do petostrukog iznosa neobračunatog poreza na promet a najmanje od 500 KM (konvertibilnih maraka) kaznit će se za prekršaj preduzetnik koji prekršajnom radnjom iz stava 1. ovog člana izbjegne plaćanje ovog poreza.

Član 54.

Novčanom kaznom u visini dvostrukog do petostrukog iznosa neobračunatog poreza na promet a najmanje 500,00 KM kaznit će se za prekršaj porezni obveznik, preduzetnik ako ne obračuna ili obračuna netačno porez na promet.

Član 55.

Za radnje iz člana 53. stav 1. tačke 3 i 8 poreznom obvezniku preduzetniku može se izreći novčana kazna na licu mjesta u iznosu od 100,00 KM.

Član 56.

Ukoliko porezni obveznik, pravno ili fizičko lice ne izmiri obaveze poreza na promet po obračunskom periodu, odnosno po konačnom rješenju inspektora, izvršit će se zatvaranje radnje i privremeno zabraniti obavljanje djelatnosti do izmirenja obaveza.

Član 57.

Postupak za izricanje kazni za prekršaj po odredbama ovog zakona vodi po propisima o prekršajima, a ako ovim zakonom nije drukčije određeno, Porezni organ Brčko Distrikta BiH.

XII – PRIJELAZNE I ZAVRŠNE ODREDBE

Član 58.

Pravna lica, fizička lica, i preduzetnici koji vrše promet duhanskih prerađevina dužni su da na dan početka primjene ovog zakona izvrše popis zatečenih zaliha duhanskih prerađevina i formiraju nove prodajne cijene s uračunatim (ukalkulisanim) porezom na promet proizvoda koji podliježu plaćanju poreza na promet proizvoda po propisanim stopama.

Obveznici poreza na promet proizvoda iz prethodnog stava dužni su da obračunati (ukalkulisani) porez na promet duhanski prerađevina uplate u roku od 7 dana od dana izvršenog popisa i dokaz o popisu i uplati dostave Poreznoj upravi.

Obaveza popisa zaliha proizvoda i obračunavanja i plaćanja poreza na promet nastaje i u slučaju ako se propiše oporezivanje porezom novih proizvoda i u slučaju izmjene poreznih stopa poreza na promet ili povećanja porezne osnovice.

Odredbe člana 5. stav 8. ovog zakona neće se primjenjivati do momenta potpisivanja protokola o početku primjene harmonizovanih propisa na cijelokupnoj teritoriji Bosne i Hercegovine.

Član 59.

Oslobađaju se plaćanja poreza na promet proizvoda na promet lož ulja i mazuta:

- pravna lica i preduzetnici koja lož ulje ili matu koriste kao energent;
- pravna lica i preduzetnici za zagrijavanje proizvodnih ili uslužnih poslovnih prostorija i zdravstvene i prosvjetne institucije za zagrijavanje svojih prostorija.

Prodaju lož ulja i mazuta za potrebe iz stava 1. ovog člana može vršiti u količinama iz potvrde koju izdaje Porezna uprava Brčko Distrikta u skladu s pravilnikom koji donosi gradonačelnik.

Član 60.

Izbjeglicama, raseljenim licima i povratnicima kao i porodicama poginulih i ratnih vojnih invalida od 1 do 5 kategorije priznaje se pravo na poresku olakšicu u vidu povrata uplaćenog poreza na promet građevinskog materijala iz člana 14.stav 1. tačka 13. ovog zakona na području Brčko Distrikta BiH u iznosu do 2.000,00 KM u cilju stambene izgradnje neophodne za stanovanje u skladu s pravilnikom koji donosi gradonačelnik.

Član 61.

Danom stupanja na snagu ovog zakona prestaju da važe svi propisi koji se odnose na oporezivanje proizvoda i usluga u prometu a koji su bili u primjeni na području Brčko Distrikta BiH osim odredaba iz Zakona o akcizama i porezu na promet ("Službeni glasnik Republike Srpske" broj 25/98, 49/98 i 18/99) i Uredbe ("Službeni glasnik Republike Srpske" broj 2/00) koje se odnose na obračunavanje i plaćanje akciza, a koje ostaju u primjeni do momenta potpisivanja protokola iz člana 58. stav 4. ovog zakona.

Član 62.

Ovaj zakon stupa na snagu danom donošenja, a primjenjivat će se od 01.jula 2002. godine i bit će objavljen u "Službenom glasniku Brčko Distrikta BiH".

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТ

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKT

Broj:0-02-022-144/02
Brčko, 24. juna 2002.godine

PREDSJEDNIK
SKUPŠTINE BRČKO DISTRIKA

Mirsad Đapo, dipl.pravnik

